



Comunu de Barrabi

Via Cagliari 9

Telefono 070 9802631 / 070-9802445 - Fax 070 9802535



UNIONE DEI COMUNI DEL PARTEOLLA E BASSO CAMPIDANO



COMUNU DE BARRABI

C.A.P. 09040 PROVÌNTZIA SUD SARDIGNA

Bia Cagliari n° 9. Tel. 070/9802631 --FAX 9802535Pec:

protocollo.barrali@pec.comunas.it

Istòria de su Comunu

Carateristica bidda agru-pastorali tenit territòriu prus che totu pianu, mòviu a nord-est de unu rosàriu de montixeddus culminantis cun su Monti Uda (370 m), apitzus de issu nc'est su Parcu comunali birdi e froriu. Su Parcu est mannu prus o mancu 300 ha tenit una bella pineta e cràchiri mediterràneu: unu beru prumoni birdi in sa piana de loris de sa Trexenta, raggiungibili coitendu de sa S.S. 131. Su panoràmicu Parcu de Monti Uda est atretzau cun àreas po si firmari po murtzai, po curri e passillai; nc'est fintzas unu logu po sa preghiera, a ingìriu de una Madonna cun Pipiu ca càstiat a conca de sa bidda de Barrabi. Is antzianus contant de èssiri intèndiu contai de is aiàius ca in localidadi Natalis nci fiat una Crèsia costruida asuta de una roca manna acanta a s'arriu. Su logu

tzerriau in Sardu "s' Arroca de sa Trinidadadi", no est è mai stètiu ogetu de scavus chi potzant fintzas cunfirmari sa legenda. Arrastus nuràgicus funt presentis in medas logus de su territòriu comunali (Nuraghe "Dom'e s'Orcu" e is ruinas in loc. "Su Mausoleu"). In s'etadi medioevali sa bidda est apartènia a su giudicau de Casteddu, curatoria de sa Trexenta.

Pagu distantis de Barrabi s'agatant is ruinas de s'antigu tzentru medievali de Natali. Su terrenu Comunali a montixeddus es prus che totu coltìvau a loris e bìngias e olivetus pìticus po sa produtzioni po domu de ollu de olia. De calincunu annu funt stètius prantaus otus de mebas. Is pasculus sanus barrabesus s'agatant invece prus acanta a s'orienti de sa Provìntzia de Casteddu, innui s'agatant is statzus. Su territòriu comunali presentat fintzas logus de importu paleontològicu. Prodotos localis: sa gastronomia barrabesa tenit sa fortza in sa bonesa e genuinidadi de is prodotos agrìcolus e de is pàsculus. Primorosas petzas e casus pecorinus e caprinus. Intra is binus tìpicus de sa zona, prodotos in pìtica cantidadi de is prodotoris localis, de importu su albu Nuragus e s'arrùbiu Mònica. Si produxint fintzas trigu, àxina, prèssiu, aràngiu e mebas.